

QVÆSTIO MEDICA

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS III. DECEMBRIS,

M. IOANNE MERLET, Doctore Medico, Præfide.

Esne Sternutatio naturalis actio?

1028

NATVRA miras artes quæ se fueretur à nullo edocta, adiuvenit; ad eò fauste cuncta dirigit, vt quædiu sui iuris est nullus omninò motus fiat in animali, à quo non leuetur seu iucunda & profutura fruitio-
nis gratia prosequatur, alliciatve, seu nocitura auerfetur ac respuat; seu animalis salutis prouideat quæ omnia incredibili motuum varietate præstat. Interdum paulum impedita cum aduentante ægritu-
dine colluctatur, à quâ se sibi vindicat citra alienum auxilium. Aliquando ita se gerit, vt quamuis propter insolentiam ad morbum pertinere eius actio videatur; attamen tum rei opportunitas tum ani-
malis commoditas aliter suadent ac testantur. An non eiusmodi partus quem quamuis non contemnendus comitetur dolor solius tamen naturæ opus est? Sicut & tussis, singultus, sternutatio? Naturæ soler-
tiam animaduertere est diuersis in motibus, quorum ope inutilia & molesta abigit.

NON sane quicquid naturæ rædium parit morbum facit, nec ipsius in illo egerendo conatus ægritudinibus annumerandus. Vomitus ipse à morbo licet videatur fieri, dum ventriculus rem sibi ingra-
tam siue aduenam, siue indigenam remittit ac rejicit; quia tamen corpus exonerat alioquin male habiturum, non raro haud dubiè à natura proficiscitur, quæ panter sanguinem per hemor-
rhoïdes perque locos muliebres statim quibusdam temporibus deponit, nociturum, si diutius hæreret, nec minùs peritæ hæzæ aut diarrhææ opera sunt naturæ, nos docentis manum succutere, si quid ei ad-
heserit incommodi; & nictare, si sub palpebras sordes subierint. Eadem ipsa est, quæ sternutationem ciet, certoque affirmamus, quemlibet motum, qui ad salutem fit in nostro corpore, à naturâ dimanare.
Hac duce partes communi officio destinatæ sibi ipsis prospiciunt, dum concussione conantur res molestas excutere, sic cerebrum sternutatione, pulmo tussis, ventriculus singultu noxia deponunt. Qui
motus omnes effectus naturæ sunt.

STERNVTATIO homini maximè familiaris fit ex capite, calefacto cerebro, vel humectato inani quod in ipso est. Et ideo ad aspectum solis sternutatio. Quæ motus est cerebri sese concutientis cum
sono ad rei molestæ excretionem; spiritus dum è cerebro exprimitur, eodem pene & vnico impetu ex pulmonibus confertim quoque emittitur; hinc sonus inter sternutandum obauditur simulque quod
vtrique noxam inferebat exploditur, è canalibus pulmonum crassa pituita, è naribus mucus. Intra nares immisâ festuca vel paleâ excitatur sternutatio, quæ fit valida cerebri concussione quam nerui omnes
pene sequuntur cæteræ partes & regiones quatuntur, & ita vt è ventriculo singultus causa excutatur, morantes à partu secundinæ deturbentur, exore salua ab oculis lachrymæ exprimantur, perque vni-
uersum corpus sæpe horrois sensus excitetur. Sternutatione cerebrum fit expeditiùs, liberior animus, acutiores sensus, corpus alacrius. Aberrant qui multo vino madentes ebrietatem conantur redime-
re sternutatione, quæ à somno feliciter fit non à passu.

NATVRÆ & morbi hoc interest quòd à morbo pejora semper à natura meliora contingant, & nisi actiones naturæ omnino iuuent, credere par est huius vires ex morbo quodam fractas fuisse. At quoties
parens optima valet vigerque suis motibus & actionibus perpetuo auxiliatur animali, vt obseruare est in sternutatione motu à natura suscepto in solatium & salurem. Sin autem natura irritetur humore,
sed cuius copia maior est, quam vt exauriri possit, minime sane damni accusanda venit, nec eius motus sternutatio, si quidpiam ex eo conatu deterius contingat, inique noxam quis immerenti naturæ im-
putabit. Sicuti si inter mungendum vas aliquod vitio humoris rumpatur, vel excreando aliquis apoplecticus fiat perperam actio naturalis accusabitur. Nec ille deterior Medicus censendus qui mor-
bum insanabilem non persanauerit. Sic Naturæ vitio non vertitur si medio in sternutationis nisu quem merito susceperat deficiat, & obruatur.

STERNVTATIO quia fit maxime ex parte illa sublimiore admodum diuinâ ex qua emittit quod molestum est, siue humor siue spiritus, hanc sacram putauerunt antiqui, & tanquam quid diuinum
adorauere, nec mirum cum corpori vniuerso persalutaris sit naturæ effectus, tum præcipuè capiti, cui Veteres Medici quam bene consultum sternutatione voluerunt, vt non abstineret ipse Hippocrates à
præditiis hanc promouentibus quibus iuuabat naturam sicut medicamenti aluum soluentibus. Et nisi perpetuo concitetur sternutatio à naturâ vegeta saltem inde eam non omnino opprimi & satiscere
conjiunt Medici. Qui non assentiuntur superstitioni augurum, nec enim putant carcere detentis libertatem sternutatione prælagari, sed norunt ipsi tum sanis tum ægris feliciter ac bonis ausibus contingere.

Ergo Sternutatio actio naturalis.

DOMINI DOCTORES DISPVATVRI.

M. Paulus Courtois.
M. Petrus Morian.
M. Guillelmus Petit.

M. Ioannes Cousin.
M. Rolandus Merlet Schol. Prof.
M. Stephanus le Gagneur.

M. Robertus Tullio.
M. Dionysius le Soubs.
M. Bartholomæus Baralis Med. Reg.



Proponebat Lutetiæ FRANCISCVS BOVIONIER, Parisinus, A. R. S. H. M. DC. LIV.